

Makam Almarhum Sultan Perak pertama di-buka

SEJARAH dinasti Raja2 Perak mulai kira2 tahun 1530 terhurai hari ini dalam upacara pembukaan papan kenyataan Makam di-Raja di-Telok Bakong — makam Almarhum Sultan Mudzaffar Shah 1 Sultan Perak yang pertama.

Dan turut hadir di-upacara itu pagi tadi ialah Sultan Idris Al-Mutawakil Alallahi Shah.

Sejarah dinasti itu telah di-huraikan oleh Haji Hamdan bin Sheikh Tahir, Ketua Penasihat Pelajaran dan juga Pengerusi Jawatankuasa Kerja Persatuan Sejarah Malaysia. Cherita-nya:

"Sa-belum makam di-raja Bukit Chandan (Kuala Kangsar) di-dirikan oleh Almarhum Sultan Idris, Sultan2 Perak telah di-makamkan di-kampung2 di-sepanjang tebing Sungai Perak—dari Kota Lama di-utara sampai ka-Laurian di-batang di-selatan.

Semenjak tertuboh-nya dinasti Raja2 Perak kira2 tahun 1530 hingga pembukaan Bukit Chandan, sa-ramai 26 orang Sultan telah memementahkan negeri Perak ini.

Kesemua Sultan itu telah di-makamkan di-tepi Sungai Perak, kecuali empat orang ia-itu Almarhum Sultan Mukadam Shah (Sultan yang keenam) dan Almarhum Sultan Salehuddin (Sultan yang ke-9) yang di-makamkan di-Acheh.

Manakala Sultan yang ketujuh, Almarhum Sultan Mansor Shah II dan Sultan yang ke-25, Almarhum Sultan Ismail telah di-makamkan di-Johor.

Makam2 itu terdapat di-Kota Lama Kanan, Bota Kanan (di-Simpang Empat dan Kampong Selat), Ayer Mati (Telok Bakong) dan Pulau Tiga serta Geronggong.

Sultan yang mula2 membuka negeri Perak dan berkerajaan di-negeri Perak ia-lah Sultan Mudzaffar Shah 1.

Harapan

Sa-telah Sultan Mahmud Melaka di-kalahkan oleh Portugis pada tahun 1511 Baginda pun berundur ka-Ulu Muar.

Dari sana Baginda berangkat ka-Pahang dan akhir-nya terus ka-Bentan. Sa-orang dari putera Baginda, Raja Mudzaffar Shah telah di-lahirkan di-Melaka lebih

kurang dalam tahun 1505.

Manakala Sultan Mahmud mangkat pada tahun 1528, Raja Mudzaffar Shah pun terhalau dari Kampar lalu Baginda pun berpindah ka-Siak.

Kemudian Baginda berangkat ka-Kelang, Selangor dan dari Kelanglah akhir-nya Baginda sampai ka-Perak.

Di-Perak, Baginda berperang dengan Tan Saban, sa-orang pementahkan di-Ulu Perak.

Baginda dapat mengalahkan Tan Saban dan akhir-nya Baginda dilantek oleh Tan Saban dengan orang2 besar Perak menjadi Yang dipertuan negeri Perak bergelar Sultan Mudzaffar Shah 1.

Peristiwa ini berlaku pada lebih kurang tahun 1530.

Sa-telah merintah beberapa lama, Baginda pun mangkat lalu di-makamkan di-Telok Bakong atau Tanah Abang (Ayer Mati). Baginda inilah yang bergelar "Marhum Tanah Abang."

Baginda telah beristerikan Tun Terang dan berputerakan Raja Mansor yang di-tabakkan pula menjadi Sultan Perak bergelar Sultan Alauddin (Sultan Mansor Shah), Sultan Perak yang kedua.

Gelaran2

Ibukota Baginda ialah Kota Lama Kanan di-mana Baginda mangkat dan di-makamkan.

Istana Sultan Perak maseh memelihara pusaka2 yang di-warithi dari Almarhum Sultan Mudzaffar Shah.

Juga banyak dari gela-

SEJARAH DINASTI RAJA2 MELAYU DI-ZAMAN YANG SILAM TERHURAI

kita dan sudah sewajarnya kita merasa bangga dengan-nya sama seperti orang2 di-negeri lain membanggakan kebudayaan mereka."

Demikian kesah Haji Hamdan Tahir mengenai dinasti raja2 Perak.

Kata-nya, amat sedikit yang di-ketahui mengenai sejarah negeri Perak sa-belum sampai-nya penjajah Inggeris.

ran2 dan jawatan2 penting di-dalam istana Melaka seperti Bendahara, Temenggong Paduka Raja, Menteri Paduka Tuan, Penghulu2 dan lain2 maseh di-pakai lagi.

Kita sekarang berada di-tengah2 negeri Perak Tua, pusat pemerintahan Sultan2 Perak dahulu.

Pada masa ini pusat negeri Perak telah dipindahkan dari tebing Sungai Perak ka-kawasan bifeh timah di-daerah Kinta. Kita hidup dalam zaman yang berlainan dari nenek moyang kita dahulu kala.

Di-sini-lah sepanjang tebing Sungai Perak bermula-nya kebudayaan kita, segala pusaka yang kita warithi dan juga chara hidup kita sekarang.

Di-sini-lah kebudayaan kita telah tumbuh dan dibentuk—bukan di-daerah Larut atau Kinta.

Kebudayaan dan tradisi itu ada-lah kepunyaan

Berundur

Beliau berharap ahli akeoloji, sejarah, pelajar2 Universiti dan kolej2 serta yang chenderong ka-pada sejarah akan sama2 mengumpulkan bahan2 lama yang belum lagi di-ketahui, umpama-nya mengenai sejarah Bruas di-zaman purba.

Negeri Perak kaya dengan bekas2 peninggalan sejarah, tetapi sayang banyak telah terbiar dan di-lupakan, kata-nya lagi.